



河間縣志卷之八

武備志

兵可百年不用不可一日不備易曰王公設險
禮曰設其飭器傳云有文事者必有武備言容
民齋衆之重也但河邑介衝南北乃歷代行兵
之區天下要害之地而民之傷於干戈者蓋屢
屢矣故備著今日防守之具從前攻戰之由令
攷制者知寓兵於農與民休息之意於是志武
備

兵制

教場二

一在城西門外西北濶三百四十三步長四百六十二步將廳三間將臺一座高一丈濶二丈五尺

一在城內東南隅濶五十六步長一百三十步將臺一座高六尺濶一丈四尺

城頭四面設備火炮四百五十六位

河間民兵

軍籍之外有民壯以備警急卽古民兵之遺意也

巡捕典史一員

馬快八名步快五十名

景和鎮巡檢司一員

弓兵二十名

協鎮兼左右營統兵鎮守闔屬

城操營守備統兵鎮守城池

兵變

後魏

熙平中有妖僧聚衆反於冀州自稱大乘相率攻瀛洲刺史宇福將兵討之一郡晏然

隋

薛世雄涿州畱守煬帝開皇十三年詔世雄將燕地精兵三萬討李密行至河間軍于七里井會天大霧咫尺不辨密將竇建德喜曰天贊我

不交里下

也遂擊之士卒大亂世雄遁歸涿郡建德遂圍河間煬帝南遊江都天下盜起竇建德起河間號長樂王建元大夏

唐

中宗十三年敵人李萬榮攻陷冀州又攻瀛洲河北大震制起仁傑爲魏州刺史前刺史畏敵兵猝至驅百姓入城繕守備仁傑至悉遣還農百姓大悅

周

世宗顯德六年五月己巳朔取瀛洲

宋初

張彥昇從張承德攻瀛洲下束城

宋

宣和四年癸酉金人求割中山太原河間三鎮李綱議不可李邦昌贊之割焉

道君皇帝二年以太原中山河間三鎮界金及幹離不北歸三鎮皆固守种師道因進兵離不遂出境

金

太宗天會闔母取河間

元

太祖與皇太子拖雷爲中軍取雄霸莫安河間
滄景新深濱棣等二十一郡

明

洪武元年遣大將徐達取河間等地遂下之
靖難兵起都督徐凱領兵十萬駐河間

崇禎十一年大兵入河間境

十五年大兵克河間城

崇禎十七年流寇陷河間

國朝

順治四年土寇犯河間城陷奉文平定乃安

十七年撫標營兵鼓譟撫院祖 取倡首張爾

玉斬之乃安

郵政志

粵考水旱災祲歷代不乏古者耕三餘一耕九
餘三公私有備饑饉不足憂矣瀛居九河下稍
耕桑而外餘無別藝加以恒產失業災傷疊見
民生日困幸繪圖屢上時沐蠲免之恩賑濟之
惠故歷考前代詳觀時政則減征補乏誠河邑
今日之急務也於是志郵政

歷代

漢

永康元年六州大水渤海海溢詔州郡賜溺死者七歲以上錢人二千一家皆被害者官爲收歛是歲博陵河間比豐沛

北齊

文宣天保元年夏四月癸亥詔河南定冀趙瀛滄南膠光南青九州徃因蝨水頗傷時稼遣使分途賑恤

隋

開皇五年郭衍爲瀛州刺史遇秋霖大水屬縣多漂沒人皆上高樹依大塚衍親備船棧併齎糧以拯救之民多獲濟衍復開倉賑恤後始奏聞上大善之遷朔州總管

五代周

廣德二年河北大水瀛莫幽州民多流亡詔所在賑給之

宋

太平興國五年遣使詣雄霸瀛莫等州爲粥以賑饑民

端拱元年春二月己亥詔瀛州民爲兵所侵暴者賜三年租復其役

真宗咸平五年遣使於雄霸瀛莫等州爲粥以賑饑民

慶歷八年春二月己卯賜瀛莫恩冀緡錢二萬贖還饑民鬻子

元豐五年詔瀛定澶等州各置倉

金

泰和六年三月甲午尚書省奏遷右振濟蒲察五斤官從之明昌初嘗爲奏御出使山東至河

間以百姓饑輒移提刑司開倉賑之還具以聞上初甚喜太傅徒單克寧言陛下始親大政不宜假近侍人權乞正專擅之罪詔杖之二十克寧又以爲言乃罷之後上思之由泰州都軍召爲振肅

大定二十一年七月上謂宰臣曰前徙宗室於河間撥地處之而不迴納舊地豈有兩地皆占之理自今當以一處賜之

元

至元元年庚午濱棣河間諸路大水己亥棣州

厥次濟陽大風雹害稼免其租癸巳河間莫州
滄州等處饑賑鈔三萬五千錠

至元九年以河間等處大水免今年田租

元貞元年辛巳河間等路旱賑卹有差

大德元年乙未河間大名路旱丁巳真定順德
河間大名平陽旱河間之樂壽交河疫死五百
餘人次年詔以水旱減郡國田租十分之三傷
甚者盡免之

至大二年壬午滄州河間十八處蝗巳卯河間
等路十二處蝗戊辰河間陝西諸縣水旱傷稼
命有司賑之

至治二年五月無棣河間等九縣大雨水五十
餘日害稼民饑免其租之半

泰定三年春上遣使召蔡國公張瑄期於必見
瑄至帝曰卿來時民間如何對曰臣老矣少賓
客不能遠知真定保定河間臣鄉里也民飢甚
朝廷雖賑以金帛未及者十五六惟陛下念之
帝惻然勅有司畢賑之

至正元年癸巳河間莫州滄州等處飢賑三萬
五千錠

二十五年八月癸酉以平灤河間保定路飢弛河泊之禁

丙申河南宣慰司請給河間等路流民糧遣還從之

明

洪武三十二年以河北罹兵難詔免租

景泰七年河間民饑上命刑部侍郎周瑄賑之天順元年七月詔曰山東順天河間二府地方爲因上年積水未消不曾布種夏麥田地各該巡按御史按察司勘寔具奏該徵今年夏麥農

桑絲絹悉與蠲免先令差官踏勘山東河南北直隸空閒田地俱免踏勘其新增起科田地除造冊已定外其餘悉皆除豁民間河灘沙淤田地所司踏勘是寔卽於空閒地面撥補應有情願承佃拋荒田地者照畝認給照輕例三年之後起科就于本處倉廩送納其各處軍民人等天順元年七月十二日以前借過預備倉等糧俱免還官以甦民困

成化六年夏大水勅差堂上官二員一員往順天河間永平三府一員往真定保定二府災傷

地方設法招撫賑濟如本處倉糧缺乏許於附近通州天津涿州保定等處倉分量給及搬運接濟其一應差徭俱暫優免

成化九年四月詔曰被災之處成化九年夏稅小麥絲綿絹疋戶口食鹽順天河間真定大名四府被災免五分

嘉靖三十二年令發京通二倉挨陳稷粟米各一萬五千石賑濟河間保定水災

萬曆四十一年秋水傷稼奉文開賑有司恐溢於數知府杜公應芳云穀原爲民而積今旣災矣安得復拘文法命開倉悉賑之屬邑不足者府粟移之悉籍其數以報竟蒙上允

四十二年秋復水撫院王公紀按院孫公居相疏請發津倉米五萬石河間郡得分一萬五千
時政

順治十一年大水邑令申請奉

旨賑濟過饑民一萬二千九百三十三名口半賑過銀六千一百三十三兩六錢二分零內有七十以上者一千零九十二名每名給布一疋

康熙四年水災邑令申報奉

旨蠲免錢糧銀三千六百七十兩五錢三分五厘零
康熙七年大水邑庠生安九重倡首呈報遂蒙
申請奉

旨蠲免錢糧銀一萬二千二百七十九兩九錢二分
九毫零又奉

旨賑濟過饑民米四千三百六十八石一斗銀二萬

四千七百兩四錢零

有重詩
附藝文

康熙十一年水災蝗蟲奉

旨蠲免過錢糧銀一百七十三兩四錢五分零

河間縣志卷之八

終

河間縣志卷之九

節行志

古稱燕趙多慷慨激烈之風實靈秀所鍾出乎
其性者歟瀛得風氣獨厚故其生人多直朴剛
方忠君孝親重義氣尚廉恥至孀母著三遷之
教烈女矢一醮之貞率能生也有聞歿也不泯
加以屢經大變臨節不苟者紙不勝書皆足以
光史冊而垂來禩於是志節行

忠貞

隋

尹式

博學能屬文少有令聞仁壽中官至漢王記室王甚重之及漢王敗式自殺

宋

楊信

初名義宋太祖嘗稱為忠臣薦其弟嗣得典禁旅有傳詳藝文

遼

劉景

好學能文積官至翰林學士景宗知其忠實可用乃書其笏云劉景可為宰相

金

烏古論榮祖

本名福興貞祐二年城破榮祖力戰死之贈安軍節度使謚毅勇

元

鄭義

初事太宗為山東路都元帥兼景州軍民人匠長官從伐金戰於歸德死之弟

德溫從攻徐州陷陣而死子澤江背立戰功顯於時

明

劉伯驂

字遇伯性孝友勤學問以拔貢任西華令善政有聲流寇數萬攻城公斬獲無

筭圍久援絕糧盡竭力死守後城陷自誓曰吾為印官志在民社城存與存城亡與亡遂不屈而死華士民舉入名宦建廟立碑春秋祀之有題忠節古風詳藝文志子福清孝廉為鹿邑令繩武不愧

氣節

明

賈太初

字玉璞瀛海文庄人也崇禎丁丑進士少英敏有大志幼失嚴訓善承慈教宗

族以孝稱沉醜典籍學問淵博成名最早初蒞富平惠民有聲迄今尸祝以廉能轉襄陽未幾丁內艱讀禮里門壬午城陷殉難不屈表章未遂與論難民子維英丁酉舉人克振家聲人以為節烈之報

孝友

隋

楊慶

祖鉉父剛並以至孝知名慶美姿儀頗涉書記年二十五郡察孝廉以侍養不

起其母有疾不解襟帶者七旬及居母喪哀毀骨立負土成墳齊文宣表其門閭隋文帝受禪屢加褒賞擢受儀同三司司攝平陽太守卒於家

北齊

劉宣董

永朱

寶

三人皆數世同居唐時旌表門閭賜粟帛使州

縣存問復賦稅

宋

李璘

晉開運末故人犯邊有陳友者乘亂殺璘父及家屬三人乾德初璘隸殿前散

祇侯友為軍小校相遇於京師寶積坊北璘手刃殺友而不遁去自言復父仇按鞠得實太祖壯而釋之

明

劉源

性敦樸以孝行聞于世

盧旻

與同邑劉源並稱孝子

張之賢

字世美躬耕養親樵採以供其旨間從師授書通其大義父疾思生鯉以居在

平陸莫能致夜冒寒走二百里得之以歸縣以其孝欲署為吏不就持心平恕遇事剖決悉當廉慎自將嘗提舉山東諸路所過無侵擾民皆感悅未幾移疾退間以約濟勤家漸饒裕歲饑饑隨有所賑施全活甚眾延祐七年卒子策由中書左曹掾授詹事院管勾遷中書檢校次篋由中書右曹掾授太常禮儀院都事

榮天祿 母王氏患疾不愈榮自割股肉一片熟進於母不令母知母尋愈地方報聞知縣牛象坤驗實賞粟慰之太守杜扁其門曰至孝過人

國朝

白惺涵 父胤奇歲壬午城陷父子被執軍中見胤奇相貌豐偉索餉不貲已縛就刃涵天性誠篤解衣請代軍中憐之遂俱釋後中已丑進士現官至銓部稽勳司郎中鄉評為至孝報之

左光先 縣學生員兄弟三人行長家貧侍養二親獨竭其誠定省之儀三十年如一日父先背哀慟廬墓族間公舉學師車朴牒縣王公遇賓扁其門曰守身養志後六院俱有扁旌獎

熊廷賓 年甫八歲壬午之變與母羅氏離散賓入泮後備極艱苦尋找至京母子重逢感義民郭執中慨借銀二百兩贖歸賓苦志舌耕數載乃償完所貸

王之棟 邑民母死廬墓院縣屢旌其門且修橋路施湯水閭里服其義

胡瑄 父維垣卒於官瑄扶柩旋里克慎厥終善事繼母袁氏內外無閒言舉縣行獎

元 義行

榮溥 嘗事哈撒丞相既得罪衆皆散去溥獨收其屍以葬又上疏白其冤得復封爵後溥亦官至四品貢尚書師泰嘗賦詩贈之稱其節義

明

劉可忠 幼孤樂義好施事母至孝時歲荒棄子滿路可忠收養全活者百餘及歲豐令各父母認還本府旌曰好善之家

安富安智 富拾得段福銀十二兩孫杲銀三兩俱還本主後子智拾得王敬遺銀尤十八兩亦還本主巡按御史張扁其門曰尚義父子安富安智

李錦 居家孝友人有貧乏者執能周濟府城

至今稱便巡按御史張

孫鈺 年九十餘歲為人端謹不尚浮華

張旺 青陵鄉民淳朴無偽嘗出粟賑

節烈

明

董氏 大同衛都督董公之女許聘于都憲寇莊

董遂 絕飲食憊對而卒寇

魏氏 少聘于同邑柳大節未幾大節病且死魏

日大節既殯女欲往送之郊父母許之既至臨

葬焉

朱氏 生員黃真妻子鍾生數月真死年二十一

書登 宣德己酉科鄉薦

逯氏 生員劉泮妻泮故氏年二十子

郭氏 儒士王紹妻生員王培業母培業生六月

孤郭氏子培業廬墓哀毀

祁氏 年二十七夫戚通縣學廩膳生員病故家

試武舉後年

劉氏 崇德屯人婁殿妻以二十二歲守遺孤三

者旌

○修氏 薛尚智妻以無嗣守節

○鄧氏 韓一經妻經故無子姑孀居失目氏朝夕食之久暫無替被旌于採風者

○孫氏 生員葛署妻署早故無子貧獨居草房紡績五十年八十歲故本縣旌之

○畢氏 鄧節妻因凶年携父母並畢氏就食景州父母相繼故節亦尋故俱葬景州氏年三十三子俱無哀痛欲死不忍翁姑夫骸葬於異鄉晝夜紡績歷人間未有之苦數年薄積市地三畝親往景取翁姑夫骸歸葬於城北八里庄後村葬畢終身不改苦節至萬曆三十七年八十五自覺身痛語族人曰吾今得侍於地下也遂不食餓八日而死

○閻氏 生員王問策妻年十九歲策故矢志守節五十餘載御史王象恒題請奉旨建坊旌獎其閻

○楊氏 大同衛楊千戶女鄧昆妻以二十四歲守節貧苦不移壽八十四卒

○趙氏 生員劉鴻儒母以二十二歲守節教鴻儒為博士弟子上制科不第亦故氏年七十

○郭氏 沁水縣知縣郭廷禎女增廣生員薛自道妻道故郭年十九矢誓守節道先有遺孤身撫之如已出未幾復物故俯仰無依中春勸之嫁郭必涕泣言之依父家針績自給瀛人無不嘆羨者

○張氏 王廷曜妻曜故張教其子學書為縣庠生

○王氏 白一士妻一士故撫棺痛哭七日不食其兄及白氏內族切勸乃食毀顏深居以其

○祝氏 生員劉緯妻以十九歲守撫遺孤成立死長孫又死次孫甫三歲氏復撫養拮据胼胝祝氏賴以不衰

○祝氏 生員劉緯妻以十九歲守撫遺孤成立死長孫又死次孫甫三歲氏復撫養拮据胼胝祝氏賴以不衰

○祝氏 生員劉緯妻以十九歲守撫遺孤成立死長孫又死次孫甫三歲氏復撫養拮据胼胝祝氏賴以不衰

○祝氏 生員劉緯妻以十九歲守撫遺孤成立死長孫又死次孫甫三歲氏復撫養拮据胼胝祝氏賴以不衰

○祝氏 生員劉緯妻以十九歲守撫遺孤成立死長孫又死次孫甫三歲氏復撫養拮据胼胝祝氏賴以不衰

○祝氏 生員劉緯妻以十九歲守撫遺孤成立死長孫又死次孫甫三歲氏復撫養拮据胼胝祝氏賴以不衰

○祝氏 生員劉緯妻以十九歲守撫遺孤成立死長孫又死次孫甫三歲氏復撫養拮据胼胝祝氏賴以不衰

○祝氏 生員劉緯妻以十九歲守撫遺孤成立死長孫又死次孫甫三歲氏復撫養拮据胼胝祝氏賴以不衰

○祝氏 生員劉緯妻以十九歲守撫遺孤成立死長孫又死次孫甫三歲氏復撫養拮据胼胝祝氏賴以不衰

○祝氏 生員劉緯妻以十九歲守撫遺孤成立死長孫又死次孫甫三歲氏復撫養拮据胼胝祝氏賴以不衰

○傅氏 監生趙時卿妻年二十二歲守二子次為博士弟子

○陳氏 張夔妻守節終身其心艱苦

○靳氏 李庭庶室庭年老無息娶靳氏生子名晚成甫八月庭棄世族人利其產妬害百端靳氏辛苦保護後人皆為太學生任大理寺照磨年八十一卒鄉人咸比之孟母云

○左氏 省祭官傳應吉妻以二十一歲守節無嗣孝養孀姑紡績自給姑死行乞諸親葬祭能成禮人咸稱之

○尹氏 民人李氏婦也少有姿容村豪郭世美時窺挑焉弗便也適暮春尹氏夫出治生產業世美心知之遂潛夜入肆其侮尹氏大喊聲聞比鄰世美懼而逃明日尹氏心目憤激乃持刀往趨世美家自刎而死事聞當道仇之議世美獄死此萬曆十六年事也

○黃氏 生員賈允吉妻吉卒寡居備極艱苦教子成名明崇禎間建坊旌表署日節高千古

○賈女 明進士襄陽令賈公太初女也年十三歲壬午城陷抗節不辱與父同死有進士馮公賁徵為之記石見藝文

○程氏 邑處士趙三聘妻聘故氏年十九矢志守節上事六旬孀姑下撫三歲孤兒歷四十年如一日始終貞操六十一而卒後孫趙璧任霸州學正鄉評為節孝之貽

○樊氏 鴻廬樊公廷然女也性沉靜寡言于歸生孤教訓有法慈嚴備至為同里所推服歲壬午瀛城兵變與子生員弘基毓基幼子敏基並殉城難

○張氏 邑民中和鎮高鑑妻也鑑死張氏孀居事殺張氏不辭艱險蓬頭垢面負簾持帚遍地覓屍七日乃獲涕泣跪拜扶葬于本塋邑人重之古稱覓夫骨者祀梁之妻抱父屍者曹娥之女張氏可並稱焉

○楊氏 通判楊公壻女也幼端莊舉止中禮于歸生員王光中孝親敬夫二十年如一日歲

○節行

壬午瀛城兵陷泣語夫曰城破玉石俱焚妾其一死以絕君念遂赴井死

○馮氏 係德平令馮時寵女孝廉左紹蘓妻也夫運遂之鄉獨居城內及遇城陷愴然曰吾為未亾人今庸其偷生乎遂投井自盡

國朝

林氏 李文植妻自二十六歲守節食貧茹苦撫育幼子成立今年六十有八本縣扁其門

日凌霜 勁節

王氏 生員白胤祚妻子晉過繼壬午遇變祚晉念深恩力行孝道同居供膳不攀伯叔氏疾病璞嘗藥事奉竭盡其誠且善養氏志凡氏所鍾愛無不體悉備至里人有節婦順孫之稱

○邊氏 李生輝妻年二十夫卒泣絕飲食親慰之乃止自是冰霜自勵茹苦歷辛教子李昆

食餼于庠昆亾後撫孫李維塗食餼迄今八十六歲猶紡績不怠

○左氏 武生員韓文光妻也壬午遇變氏年二十越數月而始愈矢志相舟歷盡艱苦念不少移撫育幼子三人作肅作義明哲長作肅早登鷹揚季明哲少入泮宮皆慈訓之力知縣田作澤扁其門曰坤貞良節

○李氏 郝氏 吳氏 李氏 梁孟冬妻冬卒撫孤梁臣臣卒撫孤生員梁朝相守節八十一歲吳氏即梁朝相妻相卒撫孤生員梁禹甸守節而終里人舉為一門三節

○蔡氏 生員魏志高妻高卒撫孤苦守紡績度生教子魏琰得以遊泮今年八十始終如一

○崔氏 張崇孝妻孝早逝撫孤守節四十六年事舅姑躬紡績克盡婦道教子孫成立今孫

張珩張璵由鄉學而入國學閭里稱其賢淑

李氏 少寡守孤常命新矢志堅貞子新成立善能奉養曲盡其教兩學具呈由縣府道轉詳兩院給扁旌獎日節孝雙全

○ 及氏 生員白調鼎妻鼎殉城難氏年二十有三績延師訓子遊泮歷三十年如一日鄉評咸服

○ 郝氏 楊榜妻榜早故氏守節終身善事公姑曲盡其孝姑病借壽祈禱無所不至年踰八旬積財好施于人夫妻子母有不得完聚者竭力周濟全活甚多縣府道院屢旌其門

○ 牛氏 邑民孟三聘妻聘公氏年二十餘歲堅志守節善事公姑苦撫幼子四十載如一日歷兵荒而莫變鄉評推重由景和鎮巡檢呈縣以彰公舉

○ 胡氏 許光裕妻自二十九歲孀居屢經兵燹家貧苦節自矢紡績不衰遺子高捷高第高薦皆撫養成立闔縣公舉行獎

○ 李氏 陳國恩妻自二十四歲孀居矢志堅苦撫遺孤陳維新六歲成立歷四十餘載如一日本縣扁其門

○ 李氏 田國翰妻翰早逝自二十二歲撫孤田耀先六歲矢志守節延師教養耀先入泮歷縣屢旌其門

○ 孔氏 劉智忠妻忠早逝氏兒女俱無矢志堅守歷三十年如一日艱苦異常本縣屢旌其門扁曰栢舟冰操

○ 苑氏 張景陽妻陽早亡氏善事舅姑撫八歲幼子文學教訓有方自二十四歲矢志堅守紡績自勵壽延八旬有四本縣旌其門曰慈壽永貞

恩命志

恩莫隆於寵錫孝莫大於顯揚故奮身常布占籍金閨奉職循理耀及庭幃不特一家之榮實一邑之光也瀛稱文獻之邦其間簪纓世濟弓裘克紹邀庥錫類邁慶綸綍者世有其人後之人顧天寵而興懷捧龍章而起敬珍收什襲昭示無窮亦激世勵俗勸忠作孝之一借也於是

志恩命

封贈

明

程晟 以信貴贈亞中大夫

郝會 以鎰貴贈監察御史

楊鐸 以澤貴贈六合知縣

翟信 以能貴贈太僕寺寺丞

張琛 以雲鵬貴贈河東鹽運使副使

朱鳳 以孔陽貴贈御史

薛隆 以子尚義貴封戶部主事

白允經 以子璧貴封戶部主事

王宗瀛 以子元桂貴贈文林郎妻張氏贈孺人 有誥命一道

柳志學 以子宗葵貴封戶部主事

馮仲經 文學有隱德以孫時行貴贈太僕寺卿 中大夫

馮春 長文學精易理著性說九篇教授生徒 數百人學者稱為靜庵先生享年九十

有三以子時行貴累贈中大夫太僕寺卿 巡按題請入郡庠鄉賢祠

楊大節 以子坤貴封郟縣知縣

馮大寧 以孫嘉會貴贈都察院副都御史

馮子宜 以子嘉會貴初封山東道御史繼贈都察院副都御史

國朝

左圭 端方視已愷悌及人以孫敬祖貴贈通奉大夫都察院左副都御史加一級妻

李氏贈夫人繼妻張氏 贈夫人受誥命四道

左鵬程 操修瑩淨孝慈克敦以子敬祖貴贈通奉大夫都察院左副都御史加一級妻

恩命

宋氏贈夫人
受誥命四道

白胤奇 性孝友善庭訓以子惺涵貴初封文林
郎繼贈朝議大夫吏部稽勳司郎中妻

邊氏贈恭人
受誥命二道

王吉 以子來慶貴贈奉政大夫刑部福建清
吏司員外郎加一級妻袁氏贈宜人繼

妻李氏贈宜人
受誥命一道

恩廕

馮孝 廩生以父時行貴廕入太學

左印奇 以父敬祖國史院侍講學士廕入太學
考取錄紅旌教習考授知縣今吏部候選

左印恂 以父敬祖秘書院侍讀學士加一級廕
入太學

左印儼 以父敬祖都察院左副都御史加一級
廕入太學 卷之九終

河間縣志卷之十

典禮志

禮者國之典所以肅統紀正人心也簡而過陋
繁而過靡不足尚已河邑素崇禮義其所習雖
未盡擬諸古然朝祀之儀賓燕之文與夫冠婚
喪祭之典日用交際之禮亦大可觀至驕靡成
風習俗難免在畱心國紀者劑量攸宜母牽於
俗耳於是乎志典禮

朝祀

聖誕冬至元旦

知縣偕僚屬隨本府先一日習儀迎
龍亭至公所屆期具朝服行禮如制
典禮

迎接

詔勅

知縣偕僚屬隨本府出郭導至公所具朝服行禮如制

日食

具朝服行禮如制

月食

具常服行禮如日食

鞭春

立春前一日知縣偕僚屬隨本府迎芒神於東郊赴春宴至日具朝服行禮如制

新官到任

行禮如制

文廟

春秋仲月上丁日祀之先一日知縣入廟省牲至日五更偕僚屬師生行禮如制每

逢朔望行香

啓聖祠

同日祭

文昌閣

同日祭

魁星閣

同日祭

鄉賢祠

同日祭

名宦祠

同日祭

城隍廟

朔望行香

關帝廟

朔望行香

土地祠

朔望行香

劉守真君廟

春秋致祭

包公祠

春秋致祭

社稷壇

春秋致祭

風雲雷雨壇

春秋致祭

厲壇 無祀之鬼如有所歸則不為厲春清明日秋七月望冬十月朔日祀之
八蜡廟 十二月丙日一舉名為祭剛

賓興

應試 凡生員應試者有司禮送至京

捷報 凡舉人初中有司即日樹旗送捷報牌備禮以待焉

郊迎 有司具傘蓋金鼓旗隊清道結彩出迎行禮如常儀

釋菜 至學成禮而退

赴宴 吏報酒饌童子歌鹿鳴諸詩成禮而退

歸第 導如來儀

會試 如應試禮加隆

進士 如舉人中式禮加隆

貢生 次舉人禮其年例照舊

鄉飲 歲正月望十月朔行禮如制

冠婚

冠禮 如家禮式今廢

婚禮 定婚之初男女二家各投婚啓將娶行冠筭禮親迎前一日行鋪床禮至日婿往婦家親迎引婦出行不數武婿獨返再拜女父母日謝親入門設香案拜天地入室行合卺禮三日婦母及諸姑伯姊咸備禮來婿家日完飯餘如家禮式

喪祭

喪禮 親終訃告親友三日具棺入襖四日行成服禮發引前一日行辭靈禮至日加棺於

輿行遣奠禮至塋祀后土點主既塋後歸安靈
朞年而小祥陳練服再朞而大祥陳禫服闋三
月告祠堂除禫服餘如家禮式

祭禮 歲首及清明中元十月一日及先人忌日
俱墓祭生人誕日及婚娶日俱祀祠堂臘
月二十四日祭竈元旦設案於庭備
牲饌祭合宅應祀諸神餘如家禮式

世系志

粵自顓頊代有世系同姓異姓創守不一為籓
為翰永垂勿替或亨屯於國祚或振義於流俗
盛德遺風迄今可挹瀛為雄勝之區凡開國承
家世膺華胄者非由外政之修即屬內政之肅
故母儀之範刑于之化世久彌彰並垂不朽

是志世系

帝王

顓頊 黃帝之孫昌意之子姬姓有聖德二十登
帝位初國高陽故號高陽氏河間則高陽
國地也徙都帝丘革九黎之亂神人不雜萬物
有序物安其生作曆以孟春之月為元故顓頊
為曆宗又作承雲之樂在
位七十八年年九十八歲

周

唐 叔 周武王子生手有虞文名曰虞封于河
間子燮為晉侯是叔虞實為晉之始祖

漢

東陽武侯某 高帝初以河間守擊陳
豨功封一千三百戶

河間王 文帝二年趙幽王為呂氏幽死文帝立
其弟遂為趙王取趙之河間立遂為辟

抄

疆為河間王立十三年子哀王無嗣國除遂欲復得河間詔可

河間獻王德

以孝景前二年立王修學好古實

之雷其真加金帛賜以招之由是四方道術之士不遠千里或有先祖舊書多奉以奏獻王者故得書多與漢朝等其所得書皆古文先秦舊書周官尚書禮記孟子老子之屬皆經傳說記七十子之徒所論其學舉六藝立毛氏薛左氏春秋博士修禮樂被服儒術造次必于儒者山東諸儒多從之遊武帝時獻王來朝獻雅樂對三雍宮及詔策所問三十餘事其對推道術而言得事之中文約指明天子大官存肄所獻雅樂歲時以備數十年春正月王還而薨立二十八年諡曰獻宋司馬光有贊載藝文志

河間共王不害

立四年薨子剛王堪嗣

河間剛王堪

五十二年薨子頃王授嗣

河間頃王授

五十七年薨子孝王慶嗣

河間孝王慶

立四十二年薨子元嗣

河間王元

立十七年病死國除五歲成帝建始元年復立元弟良是為惠王

河間惠王良

元帝建始元年封獻王六世孫修獻王之行母太后薨服喪如禮哀

帝下詔褒揚河間王良為宗室儀表益封萬戶立二十七年薨子尚立

河間王尚

王莽時絕

東漢靈帝

河間孝元皇子中平二年以中常侍張讓趙忠言欽修宮錢又造萬金經

又還河間買田宅起第觀帝本侯家宿貧歎桓帝不能作家故聚歛為私積後寄小黃門常侍各數千萬呂疆奏其弊不聽

河間王邵

建武二年封邵為河間王十三年降封為樂成侯

河間孝王開

章帝子立四十二年薨子政嗣

河間惠王政

立十年薨子建嗣

河間貞王建

立十年薨子利嗣

河間安王利

立二十八年薨子陔嗣

河間王陔

立四十一年魏受禪降為侯

三國魏河間王幹

建安二十年封

晉

河間王顥

字文載少有清名輕財愛士與諸王來朝武帝嘆顥可以為諸國儀表云

河間王洪

立十二年薨諡曰平

河間王彤

字子徽清修淑慎后以過削一縣

河間王易

張文德曰按河間王易無考心漢劉聰所封諸子或族人也以進諫救賢

因而傷生殊可痛惜

河間王欽

穆帝永和九年秋八月遣太尉河間王欽修復五陵

河間王曇之

武帝永寧元年冬十月丁巳薨

河間王國鎮

安帝隆安三年甲辰薨

東瀛公騰

宣帝弟某之後改王新蔡薨諡曰哀

河間公熙

燕王盛為段熒所弒中興將軍慕容拔白太后丁氏以國家多難宜立長

君乃迎立燕王盛叔父河間公熙入宮即天王位時隆安五年也

河間王慕容熙

熙初為河間公後封為王

河間公符琳

抄抄抄抄

抄

後魏

河間王修 天賜二年春二月封 泰常元年四月薨

河間王琛 正光元年春正月琛與章武融並以 貪汚削爵除名五年秋七月詔復河

間王琛 本爵

河間王懌 正光五年八月癸未追 復范陽王懌為河間王

河間公齊 烈帝鉉孫少雄傑魁岸太 武時以征伐受禪諡曰敬

河間王若 文成子 諡曰孝

河間王閻武皮 太安二年進安豐公 閻武皮爵為河間王

河間郡公爾朱世隆 彥伯弟子也 節閔帝時封

河間郡公爾朱弼 節閔帝 時封

武垣子邢穎 後魏時為中 書郎封子

北齊

河間孝王璇 文襄第三子天保元年封 文敬皇后所生子正李嗣

後周

河間郡公王德武 以翊戴功 封子慶嗣

隋

河間王弘 文帝從祖弟性明悟有文武才畧 周時從帝征伐委以腹心子慶嗣

唐

河間元王孝恭 太祖曾孫少沉敏有識量從太 宗征伐累立戰功初平江南賜

甲第一區嘗語人曰吾居頗壯麗非吾心也當 別營一區令粗足克事而已吾歿後子孫才易

以守不才不為他人所利輔公柘反寇壽陽詔
孝恭為行軍元帥生擒之貞觀初圖像凌煙閣
卒謚
日元

河間孝王晦 恭次子高宗幸洛陽令晦居守顧
日關中之事一以委卿晦因有利
於人隨事即行不
皆聞奏累有異跡

河間郡王津 憲宗子瓊
王悅之子

河間郡公邢君牙 累立邊功又率兵赴難
為時良將德宗時封

河間郡公李義府 以立武后故得宰相人以其
笑為笑中刀又以其柔能害

物謂之
李猫

河間郡公李湛 義府最幼子襲公宿衛上陽宮
與張柬之誅逆臣張易之張昌

宗君子日義府以立武后故得宰相而
湛為中興功臣世不以其父惡為貶云

五代 河間縣男齊映 瀛州高陽人貞元二年累官
受封卒贈禮部尚書謚日忠

五代

瀛王馮道 樂壽人事五代遍歷三公
宰相卒于周謚日文懿

宋

瀛國公熈 徽宗子政
和四年封

瀛國公 徽宗政和
五年封

河間公章岵 朱黻序日中散大夫河間公清德
傑氣為時老成高誼勁節縉紳所仰

河間郡王 初授橫海軍節度使宣和六年以冀
國公樛為開府儀同三司進封河間

郡王七年
進封沂王

元

瀛國公卽宋恭帝 降元降封

河間王忽察 太祖孫國初受封

瀛王環 章宗兄大定二十九年薨閏五月封泰和七年薨

明

河間郡公俞廷玉 開國功臣洪武初追封

河間王張玉 靖難功第一永樂初追封初謚忠顯改謚忠武

后戚

昌僕 顓頊高陽氏母其父昌意娶蜀山氏之女曰昌僕是為女樞感瑤光貫月之祥生顓頊帝于若水

有聖德焉

漢鈞弋夫人 姓趙氏河間人也漢武帝巡狩過河間望氣者言此有奇女天子亟

使使召之既至女兩手皆拳上自披之卽時伸由是得幸號曰拳夫人先是其父坐法宮刑為中黃門死長安葬雍門拳夫人進為婕妤居鈞弋宮大有寵元始二年生昭帝號鈞弋子姪身十四月廼生上曰聞昔堯十四月而生今鈞弋亦然廼命其所生門曰堯母門 後 燕王旦廣陵王胥多過失寵姬王夫人男齊懷王李夫人男昌邑哀王皆早薨鈞弋子年五六歲壯大多知上常言類我又感其生與眾異甚奇愛之心欲立焉以其年穉母少恐女主而恣亂國家猶豫久之鈞弋倖從幸其泉有過見譴以憂死因葬雲陽上疾病乃立鈞弋子為皇太子拜車騎都尉霍光為大司馬大將軍輔少主明日帝崩昭帝卽位追尊鈞弋夫人为皇太后發卒二萬人起雲陵邑三千戶追尊外祖趙父為順成侯詔右扶風置園邑二百家長丞奉守如法順成侯有姊君姁賜錢一百萬奴婢第宅以充實焉諸昆弟各以親疏受賞賜趙氏無在位者唯趙父追封今縣西南武垣城卽趙氏故居也

世系

孝仁皇后董氏

河間人漢靈帝之母也按河間

董生宏入繼大統是為靈帝建寧元年詔追尊

淑為孝元皇夫人夏氏為孝元后陵曰敦陵廟

曰靖廟追尊董為孝仁皇上夫人董氏尊號為

孝仁皇后崩喪還河間合葬陵曰慎陵廟曰

與廟皆置令丞使司徒持節之河間奉策書璽

綬祠以太牢嘗以歲時遣中常侍之河間奉祀

今不知

其處矣

河間縣志卷之十

終

河間縣志卷之十一

古蹟志

世代有遷流勝蹟無明晦是以弔古之士觀奇

踪異跡每流連往復徘徊而不能去故知延陵

見銘於宣尼蕪城作賦於明遠古今無二致也

河邑素稱名區往事遺墟由來可識語云得物

之粗者易化得道之精者不朽其嚮往之思鑒

戒之懷貴有超於蹟之外者也于是志古蹟

城垣

○蕭陵縣

在城西北五里今為河頭村又名城上村居民傳遼蕭太后曾至此

高陽城

在府城詳見沿革志

東州城

在縣東北六十里本漢東州縣屬渤海郡晉屬章武二十三年北齊廢隋置東

城縣屬瀛州宋省為鎮屬河間府元祐三年復為縣元置巡檢司其城舊有三重元河間尹韓善於東城鎮重建夫子廟以興學禮士蒞政三載始終一節民為立生祠以報德云

州鄉城

在縣東北四十里本州鄉侯國漢為縣治東漢省入武垣城

武垣城

武垣城有二西武垣城在縣西三十里又有故城存即秦所置其東北三十里

又有一城時人謂之東武垣城漢於此置武垣縣王莽改為垣鎮亭隋圖經漢武元封元年巡狩至此望氣者言有異女使訪之得趙女兩手奉上自披之即舒因築此城以為禁衛今縣西南樓上有夫人神鈞弋遺像也

乞活城

在城北六里按郡國志晉大安中并州刺史東瀛公騰掠敵人萬戶於山東恐

有叛志不聽入州郡築城於外以居之任其乞活故以名

長豐城

在縣東北七十里武德五年置今為長豐屯

高麗城

在縣西北十二里基址猶存有詩見藝文志

武興廢縣

唐興廢縣

詳見沿革志

廟祠

夫子廟

在東城廢縣元河間尹韓善重建或古文廟至正間壞於兵燹今基址猶存

真武廟

一在北門內即天王臺後更為廟一在城西南隅

觀音閣

在東橋三官廟後知縣趙完璧因橋成建此鎮水

玉皇閣

一在北門內真武殿東一在東拱村一在沙河沿謝從會重建

三皇廟

在西門內迤南

娘娘廟

一在三皇廟東今遷於西關 一在北門內真武廟大門內東

東嶽廟

在城東南隅

三官廟

一在西門外大河堤西 一在東門內北後街 一在東門內南後街 一在北門外

火神廟

在府治後近城 一在城北三十里舖

城隍廟

在瀛海驛西

三義廟

在城東北隅

藥王廟

在西門內以北

關帝廟

一在東門甕城內 一在斜街 一在南關 一在館驛後 一在西關外 一在府學後

一在縣治東 一在大街

地藏廟

在縣治東南

劉守真廟

在縣學東有碑記詳藝文志康熙十年縣丞黃世灝典史紀從政各蠲

修俸重

二聖廟

在四帥廟西

四帥廟

在八蜡廟西

八蜡廟

在城隍廟西

朝陽庵

在城隍廟西

馬神廟

一在縣學西 一在瀛海驛東 一在縣治內 一在縣治東

九天神女廟

在城東七吉村 正和元年建

文昌祠

一在西關一在南關一在縣學內

包公祠

在府治西北隅今移城隍廟東副使孫公際昌重修知府王公真同知趙公大

生倡府城所屬協力同修

韓尹生祠

在東城鎮今廢

資勝寺

在府治東內有僧綱司前有鐘鼓樓

接引佛寺

在城西南隅今廢

華嚴寺

在南門內東今廢

景慶寺

羅定塔在縣西北大同衛東寺廢其塔存民舍中元至元間建郡志載有金剛

寺在興義坊今惟存有石塔或者即此第原塔所鑄則景慶其名也

海中寺

在城北君子館明正德二年建

潮海寺

在城西北墳台頭村唐真觀年建致和年重修

卧佛寺

在城北卧佛堂村明弘治年建

北位寺

在城東北北位村明正德十五年建

蒙雲寺

在城西油店村明嘉靖十五年建

詩經寺

在城北詩經村明成化十八年建

亭臺

垣翰亭

漢末王莽敗武垣為垣翰亭今廢

一鑑亭

在通濟橋北知縣夏之臣邢有怵造今廢有詩詳藝文志

吾與亭

在城南門外西堤上知府張公問明建今廢有詩詳藝文志

海月軒

在通濟橋旁扁日海天雄望又有水母廟夏之臣建今廢

○ 日華宮

河間獻王築以待學士者今廢

○ 蒲縈臺

在府治後郡國志云秦始皇東遊海上繫馬於此有蒲似水楊勁堪為箭故名

又入府治名瀛第一臺構亭名聞喜蒲無存者今甬縣亦有蒲縈臺俟考

○ 高陽臺

在縣治東北南與瀛台相望宋曾布鎮高陽關時為此台有詩見藝文志

○ 瀛臺

在縣治東南高五丈濶倍之四望極遠與高陽臺相望元劉因以為馮瀛王吟

詩臺后廢更為駐旗臺今仍名瀛臺有詩見藝文志

○ 天王臺

在府治北門內少東有方臺舊上有古殿堂內塑毘沙天王像後更為真武廟

○ 瀛州南樓

有詩見藝文志

○ 瀛海樓

在府治西南元至正間造明洪武初署府事深州知州朱瑛重修正統七年知

府許侃置鐘於其上以司晨昏正德元年移置府治前為鐘鼓樓尋復廢正德末年知府常在

移于資勝寺前

○ 解犢館

漢書宦者呂強上疏曰當于河間故國起解犢之館是矣今廢

○ 君子館

在縣西北三十里傳云毛萇明道於君子館宋史耶律休哥與劉廷讓大戰處

金史地里志亦云河間有此館今有君子館村館莫考

○ 詩經村

在城西北三十里或云毛萇設教于詩經村即此

○ 毛公書院

在城西北尊福鄉元至正間總管呂思誠奏建毛公書院設山長祀毛萇

其墓名毛精壘在祠後見壘墓志

○ 毛萇宅

在郡城內今廢

○ 劉炫宅

在郡城內今廢炫北齊人眸子精明視日不眩強記默識左畫方右畫圓口誦

目數耳聽五事並用無所遺失

義井 在府前縣北舊有石甃古井水甚甘明
 正德初知府史鑑以民有避罪投井者
 遂實之而建鐘鼓樓於其上考之唐邢君牙為
 河間郡公常作義井以濟郡人其水甚甘或者
 卽其井與今鼓樓移于府東資
 勝寺前井莫考有記詳藝文志

壘墓

漢

毛精壘

在城北三十里漢博士
 毛萇墓有記詳藝文志

魏義壘

在東城鎮北十里漢初平時袁
 紹命魏義攻公孫瓚築此故名

董永墓

漢景帝時孝
 子卒塋于此

琴高墓

河間人入水三月乘鯉出
 衣服不濡有塚在縣境

三女陵

後漢劉儵與竇武誅宦官為
 曹節所害三女營塋於此

晉

歛起塚

在城北按圖經云塚澗百步六里高丈
 餘晉永嘉四年十月晝昏十日忽起如

塚左右民家牛皆疲汗車有土而無轍
 迹今城北河頭村有大塚未知是否

後周

王通墓

康熙九年大水衝出有墓
 誌銘並辨說詳見藝文志

王尊墓

在瀛州高陽
 東北年莫考

唐

張署墓

有誌銘詳藝文志

宋

家公墓

宋睢州人家鉉公之父也
 墓在瀛臺岑山下今莫考

明

程氏先塋

在城東十五里南東村金沙嶺先是徽人程祜壽及其子晟明洪武間謫

戍河間
卒葬此

郝鎰墓

慶陽府知府國子祭酒和順王雲鳳為撰郝公墓碑

郭維淵墓

在城東張西村為平度州知州

四川僉事薛公尚義墓

在城東北二十里張神仙庄

中大夫太僕寺卿馮公時行墓

在城西北二十里瓦井村

贈文林郎王公宗瀛墓

在城北五里城上村

武安知縣王公元桂墓

與其父宗瀛同兆

富平知縣賈公太初墓

在城東三十里文庄村

義塚

在南門外大路西

國朝

贈通奉大夫都察院左副都御史加一級左公

圭墓

在城西南六里漁翁庄

贈通奉大夫都察院左副都御史加一級左公

鵬程墓

與其父圭同兆

會試第一名歷任通奉大夫都察院左副都御

史加一級左公敬祖墓

與其父鵬程同兆康熙十二年奉勅修有大學士馮溥撰墓誌銘

贈朝議大夫吏部稽勳司郎中白公胤奇墓

在

經村西前通議大夫刑部右侍郎提橋撰銘後通奉大夫都察院左副都御史加一級左敬祖

撰
銘

祥異志

從古奉若天道顧畏民岩察變授時故有南正
之司太史之紀凡以考得失稽善敗者綦詳且
慎誠見祥異一道如影隨形不可玩也爰考歷
代天官五行等書所載與

本朝經見者採彙成帙以備觀覽修省焉於是志祥
異

符瑞

晉

太康七年十一月庚辰四角獸見於河間河間

祥異

王獲以獻

宋

淳化二年瀛州民胡立妻一產三男

淳化四年河間縣民王希輦妻一產三男

景德九年瀛州民劉元妻一產三男

祥符六年瀛州嘉禾生

元祐三年瀛州禾合穗

六年七年嘉禾俱見

金

世宗大定二十二年十二月河間進嘉禾是冬

無雪

明昌元年正月河間進芝草嘉禾二月地生白

毛

元

皇慶元年九月河間進嘉禾異畝同穎有一穗

數莖者命集賢學士趙孟頫繪圖藏諸秘府

明

成化二十二年有年

夜雨
晝晴

嘉靖十八年瑞蓮生在河間縣治東雙蓮同蒂

萬曆三年大熟

天啓四年有年

國朝

順治八年有年

康熙十年有年

災變

漢

桓帝永康元年八月大水是歲復河間

晉

武帝泰始三年八月河間大風折木

太康六年二月河間隕霜傷雙麥

咸寧二年八月河間暴風寒冰郡國五隕霜殺

穀

北齊

文宣天寶元年河間蝨水傷稼

隋

開皇五年河間秋霖大水漂没人上高樹依大

塚

仁壽四年河間柳樹無故自枯落而花葉復生

唐

建中元年幽鎮魏博大雨易水滹沱橫流自山

而下轉石折木水高丈餘苗稼蕩盡

開成元年七月滹沱河溢害稼

周

廣德二年瀛州大水民多流亾

恭帝時滄瀛大水千里無烟火

宋

太平興國七年瀛州旱

雍熙二年八月瀛州大水損民田

咸平五年二月瀛州水壞民田

景德元年四月己卯夜瀛州地震

熙寧元年河決瀛州

二年瀛鄭等州地震如雷是歲有一日十數震

有踰半年不止者

正和七年滄瀛河決

元

至元元年河間大水

四年河間雨雹害稼

八年甲午河間大蝗

九年河間大水

十九年河間蝗食苗稼草木俱盡所至蔽目碍

人馬不能行坑塹皆盈饑民捕蝗以食或曝乾而積之又盡則人相食

二十年四月河間路蝗八月隕霜害稼

二十一年六月河間路大水

二十二年癸丑大都河間等河水壞民田三千餘頃

二十四年乙酉河間路淫雨害稼

二十八年河間路淫雨大水

元貞元年辛巳河間路旱

大德元年乙未河間路旱

丁巳河間路旱

甲申河間路旱民多疫死

五年河間路大水

六年河間路蝗

八年河間路蝗

十年四月河間路蝗

至大元年八月河間路蝗

二年壬午河間十八州縣蝗

己卯河間等路蝗

戊辰河間水旱傷稼命有司賑之

巳亥河間霖雨害稼

五年河間大旱

延祐三年二月河間饑

六年六月河間路漳水溢壞民田二千七百餘

頃

至治二年五月河間等九縣大雨冰五十餘日
害稼民饑免其租之半

三年丙子河間春旱

泰定元年河間路隕霜害稼

四年甲申河間路蝗

天曆二年三月河間雨水害稼

三年夏河間旱

明

正統四年河間縣蝗

景泰七年河間民饑

成化六年夏潦秋旱

二十三年大水

弘治二年夏六月大水

正德八年夏青

正德十四年季夏夜一星明如日是年大疫

嘉靖二年春風沙無麥

三年夏蝗秋大水

四年民饑

五年春地震

七年夏氣異

四月四日五鼓有氣如火光龍形自空至地直立於西南數刻方散

冬十月星隕如雨

十四年五月雷震民人栗達死

達素不孝常欲殺母母走匿後

出耕自顧其首有旗影呼同耕者視之不見頃刻間風雨大作達頭腦出耕者皆驚

十八年大水

十九年大饑

二十五年秋八月天鼓鳴

二十二年大水

三十三年春饑斗米伯二十錢人相食夏大雨

雹壞屋傷禾

三十九年飛蝗蔽天禾穗殆盡

四十年春饑秋熟

四十五年五月河間邑東大雨雹

隆慶四年秋大風揚禾

萬曆二年九月天鼓鳴十月又鳴

五年夏六月暴雨不止壞廬舍沒民田冬十月

彗星見長數丈白色三月內滅

九年疾疫大作死亾甚衆

十四年風沙迷天遇物有火拔木傷禾人心駭異

十六年大雹傷稼

三十五年大水

三十七年旱

三十八年旱

三十九年大水

四十一年秋河間水傷禾

四十三年三月至七月始雨歲大熟

天啓元年大水

三年大水

六年地震秋大水

崇禎四年春夏大旱秋七月雨霑足五穀皆熟

十一年春三月朔怪風拔樹夏四月大雨雹

十三年大旱斗米銀二兩

十四年大旱蝗飛蔽天人相食

十六年夏五月大風白晝晦

國朝

丁卯縣志

卷之十一 祥異

七

順治四年飛蝗蔽天樹枝壓折是年日食晝晦
大星畢見

五年大水

六年黑羊山口決大水環城

十一年夏五月五日大雨如注平地水深丈餘
二麥俱沒蝨蟊遍地是秋大水

十三年大雪封戶不能出入人多凍死

十七年五月間雷震惡人丘七高死

康熙元年暴風冰雹斗大壞屋傷禾折樹打死
人畜數百

三年春三月大雪

四年三月彗星見七月初一日暴雨七日方止
壞民廬舍甚衆

六年大水

七年大水環城壞民廬舍沒民田

八年大水

九年大水

十一年旱蝗

十二年夏無麥

十三年春夏旱麥幾枯盡

河間縣志卷之十一終

河間縣志卷之十二

藝文志

文章在宇宙間如元氣之流行程子曰語麗詞
瞻此應世之文也識高志遠議論卓絕此名世
之文也編之乎詩書而不愧措之天地而不疑
此傳世之文也瀛素稱文獻其間 龍章寵錫
綸音顯揚白簡青箱玉屑石畫與夫斷碣古碑
代有典冊至文人品題有關風化盛衰政治得
失及其忠臣義士貞夫節婦畱連咏嘆可傳于
後者則彙而記之以昭一邑文明之盛於是志

藝文

勅誥

奉

天承運

皇帝制曰資父事君臣子篤匪躬之誼作忠以孝
國家弘錫類之恩爾左鵬程乃內翰林國史院
編修左敬祖之父善積於身祥開厥後教子著
義方之訓傳家裕堂構之遺茲以覃恩贈爾爲
文林郎內翰林國史院編修錫之勅命於戲殊
榮必逮於所親寵命用光夫有子承茲優渥永

芑忠勤

制曰人臣報本之恩不殊於先後國家錫類之典
無間於存亡爾內翰林國史院編修左敬祖前
母沈氏修厥壺儀衍爲家慶念子情之難替宜
母德之載彰茲以覃恩贈爾爲孺人於戲采絢
華綸流鴻庥於奕葉榮施冥漠表景祐於松楸
制曰奉職在公嘉教勞之有自推恩將母宜錫典
之攸隆爾內翰林國史院編修左敬祖母宋氏
壺範宜家夙協承筐之媿母儀詒穀載昭畫荻
之芳茲以覃恩贈爾爲孺人於戲彰淑德於不

瑕式榮象服膺寵命之有赫永賁泉壚

奉

天承運

皇帝制曰錫類推恩朝廷之大典分猷亮采臣子
之常經爾內翰林國史院編修左敬祖品行端
凝文思淵博簡居詞苑奉職罔愆慶典欣逢新
綸用賁茲以覃恩授爾爲文林郎錫之勅命於
戲弘敷章服之榮用勵靖共之誼欽茲寵命懋
乃嘉猷

制曰恪共奉職良臣旣殫厥心貞順宜家淑女爰
從其貴爾內翰林國史院編修左敬祖妻宋氏
含章協德令儀夙著於閨闈黽勉同心內治相
成於夙夜茲以覃恩贈爾爲孺人於戲龍章載
渙用褒敬戒之勤翟第欽承永作泉原之賁

制曰臣子敦服勞之誼典旣疏榮女士嗣淑慎之
徽恩宜並茂爾內翰林國史院編修左敬祖繼
妻李氏素嫻內則動協女箴相夫載著勤勞宜
家克彰令譽茲以覃恩封爾爲孺人於戲蘋蘩
繼媿式揚彤管之輝綸綍同褒勉贊素絲之德

勅

命

順治八年八月二十一日

之寶

奉

天承運

皇帝制曰恩彰下逮勉篤業於羣寮家有貽謀本
恩勤於大父用溯源流之自爰推綸綍之榮爾
左圭乃內翰林國史院侍講學士加一級左敬
祖之祖父植德不替佑啟後人綿及乃孫丕彰
鴻緒休貽大父聿觀世澤茲以覃恩贈爾爲中
大夫內翰林國史院侍講學士加一級錫之誥

命於戲垂裕孫謀已沐優渥之典崇褒祖德用
邀錫類之仁貽厥奕祚佩此新綸

制曰一代褒功勸酬示後再世承恩崇獎及先績
旣懋於公家寵宜追於王母爾內翰林國史院
侍講學士加一級左敬祖祖母李氏爾有慈謀
裕及後昆念茲稱職端由壺教爰錫褒儀之貴
用昭種德之勤茲以覃恩贈爾爲淑人於戲邇
其家法愛勞旣殫先圖賁乃國章昌融益開來
緒永期丕賁用席隆庶

制曰名世迭開率儲祥於內則國恩遠逮必兼沛

於重闡報稱匪私彛章具在爾內翰林國史院侍講學士加一級左敬祖繼祖母張氏妣續相承後先並濟重闡之燕貽有本孫謀之寵被宜崇嘉爾徽音並頒殊渥茲以覃恩贈爾爲淑人於戲宜室承家爾克端於垂裕貽孫教子朕何靳於䟽榮寵授方新追錫綸綍

奉

天承運

皇帝制曰揚名顯親爲子者願以令德歸之父考績褒賢教孝者宜以高爵作之忠是用推恩特

申休命爾贈文林郎內翰林國史院編修左職程乃內翰林國史院侍講學士加一級左敬祖之父義方有訓式穀無慚念爾嗣之勤勞旣克家而報國俾爾澤之昌大爰錫類以昭仁茲以覃恩贈爾爲中大夫內翰林國史院侍講學士加一級錫之誥命於戲教誨爾子永勿忝於家聲聿修厥德尚無負於國恩欽承寵命慰爾幽靈

制曰國體勞臣必溯源而沛澤家崇詰胤爰歸善於厥生盛典維新壺儀愈著爾內翰林國史院

侍講學士加一級左敬祖母贈孺人宋氏悻範克端胎教居身教之先慈訓惟勤能愛在能勞之後宜沛貤封用昭母德茲以覃恩贈爾爲淑人於戲子情罔極感顧復而敦孝國綸普被念劬勞以䟽榮嘉乃恩勤褒其遺範

奉

天承運

皇帝制曰褒忠表義昭代之良規崇德報功聖王之令典特頒恩命以獎勤勞爾內翰林國史院侍講學士加一級左敬祖性資端謹學識淵宏

順治十四年三月初十日

之寶

奉

天承運

皇帝制曰恩彰下逮勉篤棊於羣寮家有貽謀本恩勤於大父用溯源流之自爰推綸綍之榮爾左圭乃都察院左副都御史加一級左敬祖之祖父植德不替佑啟後人綿及乃孫丕彰鴻緒休貽大父聿觀世澤茲以覃恩贈爾爲通奉大夫都察院左副都御史加一級錫之誥命於戲

贈爾爲淑人於戲敬爾有官肅閨門而合好職
思其內尚黽勉以同心祗服殊恩用昭壺德
制曰宜家無婦勞臣不免於顧內之憂繼室有人
盛朝應恤其相夫之德何分先後並賁褒綸爾
內翰林國史院侍講學士加一級左敬祖繼妻
封孺人李氏嗣操壺政克相夫綱幃有前徽旣
見和柔合德廷申再命用彰黽勉同心茲以覃
恩封爾爲淑人於戲內則是嫺允垂光於青史
令儀不忒宜加茲於深閨尚克欽承以昭寵命

誥命

順治十四年三月初十日

之寶

奉

天承運

皇帝制曰恩彰下逮勉篤棊於羣寮家有貽謀本
恩勤於大父用溯源流之自爰推綸綍之榮爾
左圭乃都察院左副都御史加一級左敬祖之
祖父植德不替佑啟後人綿及乃孫丕彰鴻緒
休貽大父聿觀世澤茲以覃恩贈爾爲通奉大
夫都察院左副都御史加一級錫之誥命於戲

垂裕孫謀已沐優渥之典崇褒祖德用邀錫類之仁貽厥奕祚佩此新綸

制曰一代褒功勸酬示後再世承恩崇獎及先績既懋於公家寵宜追於王母爾都察院左副都御史加一級左敬祖祖母李氏爾有慈謀裕及後昆念茲稱職端由壺教爰錫褒儀之貴用昭種德之勤茲以覃恩贈爾爲夫人於戲邇其家法愛勞旣殫先圖賁乃國章昌融益開來緒永期丕贊用席隆床

制曰名世迭開率儲祥於內則國恩遠逮必兼沛於重闈報稱匪私彛章具在爾都察院左副都御史加一級左敬祖祖母張氏烈續相承後先並濟重闈之燕貽有本孫謀之龍被宜崇嘉爾徽音並頒殊渥茲以覃恩贈爾爲夫人於戲宜室承家爾克端於垂裕貽孫教子朕何靳於䟽榮寵授方新前徽彌著

奉

天承運

皇帝制曰揚名顯親爲子者願以令德歸之父考績褒賢教孝者宜以高爵作之忠是用推恩特

申休命爾左鵬程乃都察院左副都御史加一級左敬祖之父義方有訓式穀無慚念爾嗣之勤勞既克家而報國俾爾澤之昌大爰錫類以昭仁茲以覃恩贈爾爲通奉大夫都察院左副都御史加一級錫之誥命於戲教誨爾子永勿忝於家聲聿修厥德尚無負於國恩欽承寵命慰爾幽靈

制曰國體勞臣必溯源而沛澤家崇喆胤爰歸善於厥生盛典維新壺儀愈著爾都察院左副都御史加一級左敬祖母宋氏幃範克端胎教晉

身教之先慈訓惟勤能愛在能勞之後宜沛馳封用昭母德茲以覃恩贈爾爲夫人於戲子情罔極感顧復而敦孝國綸普被念劬勞以疏榮嘉乃恩勤褒其遺範

奉

天承運

皇帝制曰褒忠表義昭代之良規崇德報功聖王之令典特頒恩命以獎勤勞爾都察院左副都御史加一級左敬祖性資端謹才識宏通佐理憲院恪慎無慚於職守宣勞政務夙夜克矢乎

寅恭任用有年小心益勵崇階洵陟歷試能勤
 欣茲慶典之逢宜沛恩綸之寵茲以覃恩特授
 爾階通奉大夫錫之誥命於戲恩推自近乃弘
 獎夫崇階業廣惟勤尚克承夫寵錫欽予時命
 勵爾嘉猷

初任內翰林國史院庶吉士

二任內翰林國史院編修

三任左春坊左贊善兼內翰林弘文院檢討

四任右春坊右中允兼內翰林秘書院編修

五任左春坊左中允兼內翰林秘書院編修

六任內翰林弘文院侍讀

七任內翰林國史院侍講學士

八任內翰林國史院侍講學士加一級

九任補翰林院侍讀學士加一級

十任內秘書院侍讀學士加一級

十一任通政使司通政使

十二任都察院左副都御史

十三任今職

制日夙夜維勤人臣寧遑內顧伉儷無忝國常豈
 靳隆施錫章服以酌勳念壺儀之媲美爾都察

院左副都御史加一級左敬祖妻宋氏克勤內德宜爾室家眷良臣靖共之猷賴淑女匡襄之助爰褒令範式沛新綸茲以覃恩贈爾爲夫人於戲敬爾有官肅閨門而合好職思其內尚黽勉以同心祗服殊恩用昭壺德

制曰宜家無婦勞臣不免於顧內之憂繼室有人盛朝應恤其相夫之德何分先後並賁褒綸爾都察院左副都御史加一級左敬祖繼妻李氏嗣操壺政克相夫綱幃有前徽旣見和柔合德廷申再命用彰黽勉同心茲以覃恩封爾爲夫人於戲內則是嫺允垂光於青史令儀不惑宜加茲於濶閨尚克欽承以昭寵命

誥

命

康熙六年十一月二十六日

之

寶

奉

天承運

皇帝制曰資父事君臣子篤匪躬之誼作忠以孝國家弘錫類之恩爾白胤奇乃江南滁州全椒縣知縣白懼涵之父善積於身祥開厥後教子

著義方之訓傳家裕堂構之遺茲以覃恩封爾
爲文林郎江南滁州全椒縣知縣錫之勅命於
戲殊榮必逮於所親寵命用光夫有子尚宏佑
啓益勵忱恂

制曰奉職在公嘉教勞之有自推恩將毋宜錫典
之攸隆爾江南滁州全椒縣知縣白惺涵母邊
氏壺範宜家夙協承筐之媿母儀詒穀載昭畫
荻之芳茲以覃恩封爾爲孺人於戲彰淑德於
不瑕式榮象服膺寵命之有赫益責徽音

勅

命

順治十四年三月初十日

之

寶

奉

天承運

皇帝制曰錫類推恩朝廷之大典分猷亮采臣子
之常經爾江南滁州全椒縣知縣白惺涵職任
花封才堪良吏清廉克彰乎庶事慈惠允著於
當官慶典適逢新綸宜賁茲以覃恩授爾爲文
林郎錫之勅命於戲弘敷章服之榮用勵靖共
之誼欽茲寵命懋乃嘉猷

初

任

今

職

制曰恪共奉職良臣既殫厥心貞順宜家淑女爰
 從其貴爾江南滁州全椒縣知縣白惺涵妻謝
 氏含章協德令儀夙著於閨闈黽勉同心內治
 相成於夙夜茲以覃恩贈爾為孺人於戲龍章
 載渙用褒敬戒之勤翟芾欽承永作泉原之責

勅

命

順治十四年三月初十日

之

寶

覃恩部照

吏部驗封清吏司為欽奉

恩詔事奉本部送據吏部稽勲司郎中加一級白惺

涵請給

詔命等因該本部查明於康熙九年九月初十日題
 奉

欽依合應給照付本官收執撰文領軸施行須至執

照者

計開

應換給

誥命二軸

吏部稽勲清吏司郎中加一級白惺涵該授朝

議大夫直隸河間府河間縣人進士

初任江南滁州全椒縣知縣

二任吏部文選司主事

三任驗封司員外郎

四任考功司郎中

五任加一級

六任今職

妻謝氏該贈恭人

父白胤奇該贈朝議大夫吏部稽勲清吏司郎

中加一級

母邊氏該贈恭人

印

康熙九年九月十六日

執照 押

諭祭文

維康熙十二年十二月初四日

皇帝遣直隸河間府知府王奐

諭祭故原任都察院左副都御史加一級左敬祖
之靈曰鞠躬盡瘁臣子之芳踪卹死報勤國家
之盛典爾左敬祖性行純良才能稱職方冀遐
齡奄然長逝朕用悼焉特頒祭葬以慰幽魂嗚
呼聿垂不朽之榮庶享匪躬之報靈如不昧尚
其來歆

祭品

猪一口

羊一隻

寶粧一座

麻花二盤

托爐二盤

饅首五盤

每盤重一十三

松子一盤

四觔

蓮肉一盤

五觔

紅棗一盤

五觔

栗子一盤

五觔

核桃一盤

一百八十個

飯三碗

湯三碗

酒三鍾

燭一對

降真香一炷

焚祝紙一百張

奏疏

通政使司通政使

臣

左敬祖謹

奏為禁預征以甦民困事竊照惟正之貢小民樂

輸况我

朝定例一照萬曆初年起科賦稅六害多加也且私

派有禁火耗有禁宜其間左殷實倉廩充裕乃

邇來下民之匱乏追呼之艱難日甚一日以催

徵之不時也蓋百姓終年勤苦尚不足以敷一

歲之用今限以六月報完夫六月舊穀已盡新

穀未登正百姓播耘告匱之日

天子省耕行助之時乃鞭朴及之在有司之賢者尚於二三月間開徵其有畏

功令懼叅罰者或於正月或於歲前卽預行徵比下民無處措辦勢必重利稱貸以完官及秋成償還加利已數倍矣昔人云二月賣新絲五月糶新穀醫得眼前瘡剜卻心頭肉此切中今日時病請行夏秋兩稅之制於五六月間輸若干分九十月間輸若干分其有非時預徵者嚴行禁止

國家不虧正課下民不苦敲朴在

朝廷止稍緩數月之期而百姓遂受無窮之利矣伏祈

睿鑒施行奉

旨該部議奏

通政使司通政使 臣 左敬祖

奏爲減徭役以寬民力事竊惟力役之征何代無有自宋之改差役爲雇役也正恐差役不均重以妨農耳故人丁征銀至今行之是旣征銀可無差役也今則兵馬之往來銀米之轉運差使之迎送大河以北苦於派車牛大江以南苦於

封船隻陸路苦牌夫水路苦緯夫以及閩蜀兩
粵山谷崎嶇舟車所難通者又苦於肩擔俾小
民八口所需之身強半在官弗得盡力於南畝
是旣征丁銀又復差役矣小民安得不重困乎
在今日有司不過日差使繁難用夫牛車船者
甚多一悞軍機法有重罪上司不敢問下民不
敢言不知我

皇上又何從而得聞也此未嘗不曰正項銷算矣銷
算特銷算於有司之囊耳奸胥之橐耳其實小
民何曾得一分一文也不特此也卽招買草豆

上司公費衙門興作槩攤於人丁推原其故特
以有司不敢存加派地畝之名故借人丁以行
其私不知人丁地畝均之派取於民特異其名
耳且百姓樂於無事官吏又喜於有事用一科
十苛詐多端妨農害業莫甚於此請於濫役之
弊永行嚴禁以及車牛船隻人夫肩擔招買公
費興作等事槩不許一毫妄派人丁一有發覺
卽治以私派之罪墨吏蠹胥或得以稍戢其暴
而無告小民亦獲以少甦其命矣伏祈

睿鑒施行奉

旨該部議奏

通政使司通政使臣左敬祖謹

奏為旌廉吏以遂民生事竊惟好廉而惡貪生人之常情懲貪而旌廉王者之大法上行之下斯效之上風之下斯化之今有司犯贓十兩以上卽置重罪懲貪不謂不嚴矣而貪吏尚多正以旌廉之舉未講也蓋使人知貪吏之不可為而猶有或為小人心幾倖苟免於一時何若使人知廉吏之不可不為而斷無不為君子之行庶可漸積以成風昔光武建武元年開

諸務未遑首訪良吏卓茂封為褒德侯故東漢之循良有加他代今

國家定鼎中夏已廿餘年未聞行旌廉之舉夫內外大小臣工有一塵不染四知克畏者表表在人耳目指可屈數請

命九卿科道會議不拘滿洲漢人中無論京官外官已任現任曾政績卓絕清操異常各舉所知以

聞

皇上擇其尤者急表而出之以風有位此亦勸勉之大機也伏祈

睿鑒施行奉

旨該部議奏



